



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VIII. Aperitur via liberandi Triboniani, qui Novellæ auctore est, à vitio ...
Theodoreti locus de Thessalonica.

urn:nbn:de:hbz:466:1-15617

secundum dixit in Romana synodo : *Nam constat venerandos sedis vestre Pontifices, quamvis in toto mundo sedes apostolica Ecclesiarum sibi jure vindicet principatum, & solam ecclesiasticis causis undique appellare necesse sit, specialiter tamen gubernationi sue Illyrici Ecclesias vindicasse.*

*Marca in lib. de
Primit. f. 30.*

IV. Illyricana porrò solida Diocesis, postquam orbis Romanus in quatuor prefecturas sectus est à Constantino Magno, complebatur Pannonias, utrumque Noricum, Dalmatiam, Daciam ripensem & mediterraneam, Moesiam, Dardaniam, Macedoniam, Achaiam, Thessaliam, utramque Epirum, & Cretam, Sirmium autem Pannonia secundæ civitas, erat caput Illyrici, ut in synodo Aquileiensi habita anno cccc. lxxxi. disseruit Anemius Sirmiensis Episcopus, sive Acta quæ nunc circumferuntur istius synodi germana sunt, sive post longum tempus conficta à Vigilio Tapsensi Episcopo in Africa, ut existimat Petrus Franciscus Chiffletius vir eruditissimus. Vt cunque enim se res habeat, ex Actis illis probatur Sirmium fuisse quondam caput Illyrici. *Anemius Episcopus dixit: Caput Illyrici non nisi civitas est Sirmensis.* Vnde eam Ammianus Marcellinus vocat matrem urbium, ibique Principum Romanorum regiam seu palatum fuisse docet in libro xx. & xxvi. suorum commentariorum. Quod etiam à Zozimo historico observatum est. Itaque claritatibz urbis datum ut illic quoque esset præfectura Illyricana sedes; ibique per eas tempestates fuit omne Illyrici fastigium, tam in civilibus quam in episcopalibus causis, ut ex eodem Ammiano Marcellino & Iustiniano Aug. observavit illustrissimus Archiepiscopus in libro de Primitibus. Chiffletius tamen existimat Sirmium nunquam fuisse caput Illyrici, nisi fortassis per illud triennium quod in ea urbe Constantius Imperator exigit, per annum nimurum ccc. lvii. & duos sequentes.

*Amm. Marcell.
lib. 15.
Iustin. Nov. 11.*

*Chifflet. in Notis
ad Vigil. Taps.
pag. 18. & seqq.*

*Marca de Prima-
tib. f. 36.*

supremo Theodosij senioris arbitrio: qui eo anno moriens, Honoriisque & Arcadio imperij provincias dividens, Illyricum orientale Arcadio, occidentale Honorio commisit.

V I. Aucta ex eo dignitas Episcopi Thessalonicensis, quod in dingen accessio facta esset claritati urbis; juvante fortunam ejus auctoritas Episcopi Acholij, tum etiam Anysij, quos ob ingentia eorum merita Pontifices Romani, qui tum vixerunt, Damasus & Surius plurimum suspererunt, ceu suo loco sumus dicti. Sed tamen adhuc amplificata valde est Thessalonica post excidium Sirmij, quod contigit anno quadragesimo quadragesimo secundo, furente per Thraciam & Illyricum exercitu Hunnorum, duce Attila. Tunc enim Apennius Praefectus praetorio Illyrici, sive potius Vicarius, è Sirmio Thessalonicam profugit, ut Iustinianus docet; qui addit, eō tunc commigrasse dignitatem præfecturae. *Cum enim in antiquis tem-
poribus, inquit ille, * Firni præfectura fuit con-
stituta, ibique omne fuerit Illyrici fastigium tam in civilibus quam in episcopalibus causis, po-
stea autem Attilanis temporibus eisdem locis de-
vastatis Apennius Praefectus prætorio de Firmita-
na civitate in Thessalonicam profugus venerat,
tunc ipsam præfecturam & sacerdotialis honor fe-
citus est, & Thessalonicensis Episcopus, non sua
auctoritate, sed sub umbra præfecturae, meruit aliquam prærogativam.*

V II. Scio clarissimum eruditissimumque virum Ioannem Morinum falsitatis arguerunt hunc locum ex Novella Iustiniani, multis de causis. Tum, quod verum non sit Thessalonicam adeptam esse honorem ecclesiasticum Attilanis temporibus, cum Leo Papa, qui temporibus Attilæ vixit, testetur in epistola ad Anastasium Thessalonicensem primatus dignitatem Thessalonicensibus Episcopis delatam olim fuisse ex Pontificum Romanorum prædecessorum suorum constitutione. Tum etiam, quod falsum quoque sit civilis administrationis apicem eisdem Attilanis temporibus collatum Thessalonice fuisse. Eo enim ornatam fuisse Theodosij Magni tempore. Falsum præterea esse eisdem Attilanis temporibus amplificatam fuisse dignitatem urbis Thessalonicensis, aliquamque prærogativam meruisse sub umbra præfecturae. Constat enim eam urbem fuisse clarissimam, magnæque auctoritatis, jam inde à temporibus synodorum quæ apud Nicæam & Sar dicam habitæ sunt.

V III. Sensit viria ista illustrissimus Archiepiscopus, Tribonianumque Novellæ illius Constitutionis auctorem à vitio ~~corrigere~~ liberari non posse pronuntiavit, si No-

*Velut lib. 1.
Id est cap. 17.*

veliae verba accipiuntur generaliter de prefectura Illyrici, cum ea retro ab annis quinquaginta constituta esset Thessalonicae. Itaque sic cautè accipienda Novellæ verba, de Vicarij nimirum jurisdictione in Pannonias, quæ posthac Thessalonica exercenda erat, non autem Sirmij. *Vnde amplificata est, inquit Marca, Vrbis & Ecclesie Thessalonicensis dignitas.* Quare Theodoretus, qui post ista tempora vixit, sic loquitur de Thessalonica: *Thessalonica urbs est maxima & populosissima, Macedonia quidem in gente posita, sed que caput est tum Thessalia & Achaia, tum aliarum complurium provinciarum que reguntur à Prefecto pretorio Illyrici.*

C A P V T X X .

Synopsis.

I. Ante quam inquiratur in originem vicarius Thessalonicensis, agendum est de antiquitate & claritate Ecclesie Thessalonicensis.

II. Ea erat una ex apostolicis, à Paulo Apostolo fundata; ut ipse docet, & legitur in Actis Apostolorum. Illyricana Ecclesia Thessalonicensis respiciebat ut fidei matrem. Quid sint apud Tertullianum cathedra Apostolorum.

III. Alexandro Episcopo Thessalonicensi imposita à patribus Concilio Nicen cura, defendorum decretorum synodi in provinciis Illyricianas; ut testantur Gelasius Cyzicus & vetus auctor apud Photium.

IV. Investigatur versus sensus verborum Gelasii Cyziceni, qui diversi diversorum interpretationibus est distractus. Innocentius III. docet magnam fuisse dignitatem Episcopi Thessalonicensis ante quam Vicarius esset apostolice sedis.

V. Dignitas illa Thessalonicensis Episcopi probatur etiam ex allocatione Eri in Concilio Sardicensi.

VI. Et ex Athanasio, qui precipuum defensionis sua caput ponit in testimonio literarum Alexandri Episcopi Thessalonicensis.

VII. Episcopus Thessalonicensis, etiam ante quam esset Vicarius Romani Pontificis, ordinatus Metropolitanus Illyricianos secundum veterem Ecclesie sue consuetudinem. Thessalonica vocatur à Theodoreto caput Macedonia, Thessalia, & Achaia, tum aliarum complurium provinciarum.

VIII. Maxima ergo ubique erat antistititis urbis illius reverentia. Secunda synodus noluit anti cognoscere de ordinatione Maximi in Ecclesia C.P. quam Acholius adserit. Postea vero Maximi ordinationem damnavit, & Nellarium ordinavit.

IX. Acholius non fuit illic Legatus Damasi, ut persuasum fuit viris dolis. Caſtagantur qui putant Sotzomenum enumerare Acholium inter presides istius Concilij.

X. Henricus Valesius refellitur, qui putavit Acholium fuisse unum ex Episcopis orientalibus qui Constantinopolitano Concilio interfuerunt.

I. **S**UPERIORI capite satis, ut opinor, segimus de dignitate urbis Thessalonicae. Tom. II.

nensis. Supereft ut inquiramus in initia dignitatis quæ illi collata est à Pontificibus Romanis, qui Theſſalonicenses Episcopos Romanæ sedis Vicarios esse voluerunt in Illyrico. Sed antē quam destinata componam, res postulare videtur ut de antiquitate Ecclesie Thessalonicensis agamus, mox investigaturi an vicarius tributus fuerit Ecclesie, an vero personis; id est, an vicarius ille ita tributus fuerit huic sedi ut necessarium esset Romano Pontifici vices suas committere novo Episcopo Thessalonensi, an vero ea ratione tributus fuerit, ut illa honoris continuatio merè penderer ex libero Romani Pontificis arbitrio, fasque illi esset vicarium illum honorem non conferre novo Episcopo Thessalonensi.

I I. Primum omnium satis constat Thessalonicensem Ecclesiam fuisse unam ex apostolicis, id est, ex Ecclesiis illis quas Apostoli ipsi fide Christiana imbuerunt. Legimus enim in Actis Apostolorum, cùm Paulus & Silas venissent Thessaloniam, Paulum illic scripturas interpretatum esse & insinuasse quia Christum oportuit pati & resurgere à mortuis, & quia hic erat Iesus Christus quem ille enuntiabat eis, quosdam vero ex Iudeis Thessalonicae commorantibus credidisse & adjunctos fuisse Paulo & Sila, itemque magnam gentilium multitudinem, & mulieres nobiles non paucas. Quin & Paulus ipse hoc testatum reliquit in duabus epistolis quas scripsit ad Ecclesiam Thessalonensem; ex quibus illud quoque discimus, Thessalonicensium eum ardorem fuisse in initio suscep-

Ad. 17.

Tert. 1.

tæ fidei ut forma facti fuerint omnibus creditibus in Macedonia & in Achaia; in quibus regionibus ipsi Thessalonenses prædicaverunt verbum Dei; & non solum in Macedonia & Achaia, sed etiam in omni loco, ut inquit Paulus, id est, in regionibus quæ circum Macedoniam & Achaiam positæ sunt, fides eorum inclaruit. Vnde argumentum trahi potest ad afferendum Illyricanas Ecclesias Thessalonensem respexisse ut fidei matrem, illam vero eo privilegio potitam apud eas gentes fuisse quod Episcopi celebriorum civitatum obtinebant in Ecclesiis quas prædecessores eorum fundaverant. de quo jure videndus illusterrimus Archiepiscopus lib. I. cap. 111. §. v. istius operis. Hinc Tertullianus enumerans Ecclesiæ apostolicas, à quibus ceteras dixerat traducem fidei & semina doctrinae mutuatas esse, inter illas ponit Thessalonensem; cùm paulo antē dixisset apud ipsas suis locis adhuc præsidere cathedralis Apostolorum. Quem locum explicans vir clarissimus Nicolaus Rigaltius, ut facetur intelligi posse de ipsis cathedralis Apo-

*Ter. lib. de
Prefcript. c. 10.
16.*